




Broj: 01-50-5-1423-6/14
Banja Luka, 10.07.2014.godine

✓
PARLAMENTARNA SKUPŠTINA BiH
Predstavnički/Zastupnički dom
71000 S A R A J E V O
Trg Bosne i Hercegovine broj 1



PREDMET: Odgovor na poslaničko pitanje, dostavlja se
 Veza: vaš akt broj: 01/a-50-1-15-67/14 od 17.06.2014.godine

Postupajući po vašem aktu, broj i datum veze, a shodno zadatom obrascu, dostavljamo sljedeće izjašnjenje:

Amir Fazlić, poslanik u Predstavničkom/Zastupničkom domu Parlamentarne skupštine BiH, na 20. sjednici Predstavničkog doma, održanoj 02. februara 2012.godine, postavio je sljedeća poslanička pitanja:

1. "Na koji način, po kojem zakonskom osnovu i koliko su osoba direktori Uprave za indirektno oporezivanje zaposlili u periodu 2004.-2011.godine i marta 2011.godine do danas, suprotno važećem Pravilniku o unutrašnjoj organizaciji i sistematizaciji radnih mjesta?"
2. Na koji način, po kojem zakonskom osnovu i iz kojih razloga direktor Uprave za indirektno oporezivanje vrši često, i po meni bezrazložno, mimo saglasnosti pretpostavljenog rukovodioca, premještaje uposlenika nanoseći eventualno štetu organizaciji timskog rada i da li se nanosi šteta ovakvim načinom rada direktora?"
3. Da li je i koje mjere Ministarstvo pravde BiH- Upravni inspektorat na državnom nivou, poduzelo protiv direktora i odgovornih osoba u Upravi za indirektno oporezivanje radi nezakonitog zapošljavanja u ovoj instituciji i zbog toga što nisu realizovali nalog Upravnog inspektorata broj: UP-09-07-12-1153-8/10 od 21.02.2011.godine, kojim je naloženo da se Pravilnik o unutrašnjoj organizaciji uskladi sa Zakonom o upravi, Zakonom o ministarstvima i drugim organima uprave i Zakonom o sistemu indirektnog oporezivanja u roku od 8 mjeseci, te zašto je Upravni inspektorat dao samo nalog za usklađivanje Pravilnika o unutrašnjoj organizaciji sa Zakonom o upravi, Zakonom o ministarstvima i drugim organima uprave i Zakonom o sistemu indirektnog oporezivanja u okolnostima eventualnog kršenja zakonskih propisa ne poduzimajući i druge mjere?"

Na postavljena pitanja, Uprava za indirektno oporezivanje daje sljedeće

ODGOVORE

1. U periodu 2004.-2011.godine i marta 2011.godine do danas, direktori Uprave zapošljavanje su vršili u skladu sa Pravilnikom o unutrašnjoj organizaciji i sistematizaciji radnih mjesta u Upravi za indirektno oporezivanje i procedurama propisanim odredbama Zakona o državnoj službi u institucijama BiH, Zakona o radu u institucijama BiH i Pravilnika o načinu zapošljavanja i odabira državnih službenika i zaposlenika Uprave za indirektno oporezivanje.
2. Prema odredbama člana 54. Zakona o Upravi za indirektno oporezivanje („Službeni glasnik BiH“, broj 89/05-u daljem tekstu: Zakon), direktor **Uprave ovlašćen je da odlučuje o premještaju zaposlenog u Upravi, na isto ili slično radno mjesto**, u skladu sa objektivno utvrđenim potrebama službe, a postupak premještaja uređuje se podzakonskim aktom.
Odredbom člana 9. Pravilnika o premještaju zaposlenih u Upravi za indirektno/neizravno oporezivanje broj: 02-3314/08 od 05.12.2008.godine (u daljem tekstu: Pravilnik), tj. podzakonskog akta iz člana 54. stav 3. Zakona, propisano je da

direktor Uprave odlučuje rješenjem o premještanju državnog službenika, kao i zaposlenika.

Dakle, za donošenja Pravilnika o premještanju zaposlenih u Upravi, direktor Uprave je ovlašten odredbama člana 54. Zakona, koji ima karakter posebnog zakona (lex specialis), pa one predstavljaju neposredni pravni osnov navedenog ovlaštenja, pa time i samog Pravilnika, što nadalje ima uporište i u ostalim odredbama istog zakona, a prema kojima je direktor Uprave odgovoran za cjelokupan, jedinstven, ujednačen i efikasan rad Uprave (član 24. stav 2. Zakona o UIO), te je, pored ostalog, ovlašten da organizuje i osigurava zakonito, pravilno i efikasno vršenje poslova iz nadležnosti Uprave (član 25. stav 1. Zakona o UIO), kao i da donosi odluke o pravima i obavezama zaposlenih iz radnog odnosa (član 25. stav 4. Zakona o UIO).

Pravni osnov pomenutih ovlaštenja direktora, tj. rukovodioca ove Uprave, među kojima i ovlaštenja da reguliše pitanja premještanja zaposlenih u ovoj instituciji pomenutim Pravilnikom, sadrže i odredbe Zakona o upravi ("Službeni glasnik BiH", broj 32/02), i to: odredba člana 16. istog, kojom je propisano da rukovodioci organa uprave donose propise u cilju omogućavanja izvršavanja zakona i drugih propisa iz nadležnosti organa uprave kojim rukovode, kada su za to zakonom ili drugim propisom ovlašteni, kao i druge propise u skladu sa Ustavom i zakonom ili drugim propisom, zatim odredba člana 61. stav 2., prema kojoj rukovodilac organa uprave predstavlja organ uprave, organizuje i osigurava zakonito i efikasno obavljanje poslova, donosi propise i izdaje druge akte za koje je ovlašten i preduzima druge mjere iz nadležnosti organa uprave, te odlučuje u skladu sa zakonom o pravima, obavezama i odgovornostima državnih službenika i zaposlenika u vršenju službe, te član 70. stav 1. istog zakona, shodno kojoj se, između ostalog, prava, obaveze i odgovornosti, te druga statusna pitanja državnih službenika, uređuju Zakonom o državnoj službi u institucijama u BiH i drugim posebnim zakonom.

Dakle, donošenje Pravilnika i regulisanje pitanja premještanja zaposlenih u Upravi od strane direktora Uprave je u potpunosti u skladu sa odredbama oba navedena zakona.

Nadalje, odredbama Pravilnika regulisan je institut premještanja, koji može biti dobrovoljni, na zahtjev zaposlenog i po potrebi službe, koji ima karakter nametnutog premještanja.

Premještanje po potrebi službe podrazumijeva svaki premještanje izvršen na osnovu diskrecione ocjene o potrebi da se zaposleni iz bilo kojeg razloga premjesti s jednog na drugo radno mjesto, a naročito u slučajevima popunjavanja upražnjenog radnog mjesta, povećanja broja izvršilaca zbog povećanog obima posla, provođenje redovne rotacije zaposlenih u carinskoj djelatnosti i sl., a sve u cilju obezbjeđivanja poboljšanja rezultata rada, organizovanijeg funkcionisanja organizacionih jedinica Uprave, sprečavanja povezivanja i uspostavljanja bliske saradnje i prijateljskih odnosa između zaposlenog i obveznika indirektnih poreza, obezbeđivanja najviših etičkih standarda ponašanja zaposlenih, nenanoseći štetu timskom radu.

3. Pitanje pod rednim brojem 3. Ne odnosi se na ovu instituciju.

Dostavljeno:

1. Naslovu
2. Kabinet direktora
3. Sektor za poslovne usluge (02/2)
4. Arhiva



Broj: 05-02-2-2962-2/11
Mostar, 23.02.2012.godine

PRIMLJENO: 13-03-2012			
Organizaciona jedinica	Klasifikaciona oznaka	Redni broj	Broj priloga
01-50-1-15-13/11			
01-50-1-15-20/11			

-**POS LANIK, GOSP. AMIR FAZLIĆ**
-**PREDSTAVNIČKI DOM PARLAMENTARNE SKUPŠTINE BIH, N/R SEKRETARA**
-**SEKRETAR VLADE FEDERACIJE BIH**

PREDMET: *Odgovor na poslaničko pitanje Amira fazlića poslanika Predstavničkog doma PS BiH, dostavlja se*

Veza: Akt Predstavničkog doma PS BiH, broj 01/a-50-1-15-13/11 od 15.11.2011. godine i urgencija broj 01/a-50-1-15-20/11 od 07.02.2012. godine.

Poštovani,

Na 15. sjednici Predstavničkog doma Parlamentarne skupštine BiH, održane 08.12.2011. godine, poslanik Amir Fazlić je ovom Ministarstvu postavio dva pitanja, od kojih se jedno odnosi na finansiranje JP Željeznice Federacije BiH iz sredstava Budžeta Federacije BiH za period 2009.-2011. godine i kolika su ukupna zaduženja JP Željeznice Federacije zaključno sa 2011. godinom sa strukturom duga.

Odmah po prijemu poslaničkog pitanja uputili smo aktom broj 05-02-2-2962-1/11 zahtijev Željeznicama Federacije da dostave odgovor po postavljenom pitanju iz njihove nadležnosti, na koje do danas nismo dobili odgovor. Uvidom u Budžete Federacije BiH za period 2009.-2011. godine Željeznice Federacije su primile sljedeće iznose utvrđenih u razdijelu 18. ekonomski kod 614400 „subvencija javnim preduzećima – FMPiK- Transfer Željeznicama FBiH“:

1. 2009. god. 20.000.000,00 KM
2. 2010. god. 22.000.000,00 KM
3. 2011. god. 22.000.000,00 KM

Na gore spomenute iznose Vlada Federacije je po godinama, polugodišnje i godišnje, informisana o utrošku Budžetskih sredstava što je i prihvatila svojim zaključcima.

Ukupna zaduženja JP Željeznice Federacije zaključno sa 2011. godinom iznose 568.871.407,00 KM i prikazana su tabelarno po dugoročnosti i kreditima kod komercijalnih banaka u domaćoj valuti.

I DUGOROČNI KREDITI

R.Br.	Kreditor	Ukupno zaduženje	Grejs period	1. rata otplate	2012. godina		
					Glavnica	Kamata	Anuitet (6+7)
1	2	3	4	5	6	7	8
1	EBRD 944	24.530.721	4	17.01.2005.	2.040.358	252.917	2.293.275
2	EIB 21127	46.939.920	5	15.10.2006.	3.129.328	710.430	3.839.758
3	PORTUGAL	62.570.913	15	21.03.2021.	0	1.979.327	1.979.327
4	KONČAR (vl. sredstva 5.309.790,36 KM)	30.088.812	1	07.07.2008.	2.671.507	398.780	3.070.287
	KONČAR (niskopodni voz)	10.490.485		05.04.2010.	2.661.849	310.455	2.972.304
U K U P N O		174.620.851			10.503.042	3.651.909	14.154.951

II DUGOROČNI KREDITI U POVLAČENJU

R.Br.	Kreditor	Ukupno zaduženje	Grejs period	1. rata otplate	2012. godina		
					Glavnica	Kamata	Anuitet (6+7)
1	2	3	4	5	6	7	8
5	EBRD 35418	82.144.860	7	30.01.2010	1.728.861	851.319	2.580.180
6	EIB 23376	100.920.828	5	15.09.2012	2.691.222	1.428.440	4.119.662
7	TALGO	132.267.029	7	17.10.2012	8.266.689	1.630.676	9.897.365
UKUPNO		315.332.717			12.686.772	3.910.435	16.597.207

III KREDITI KOD KOMERCIJALNIH BANAKA

R.Br.	Kreditor	Ukupno zaduženje	Grejs period	1. rata otplate	2012. godina		
					Glavnica	Kamata	Anuitet (6+7)
1	2	3	4	5	6	7	8
1	UNICREDIT	78.917.839	1	05.12.2011	8.768.649	4.538.379	13.307.028
2	BOBAR BANKA	3.500.000	-	05.01.2012	3.500.000	-	-
UKUPNO		82.417.839			12.268.649	4.538.379	13.307.028

R.Br.	Kreditor	Ukupno zaduženje	Grejs period	1. rata otplate	2012. godina		
					Glavnica	Kamata	Anuitet (6+7)
UKUPNO I + II + III		568.871.407			31.958.463	12.100.723	44.059.186

S poštovanjem,

Dostavljeno:

- Naslovu
- evidencija
- arhiva



MINISTAR

mr. Enver Bijedić